



Ukuhlomisa izingane zethu
ngelikusasa

Isiqinisiso 1

Isihloko sesifundo: Ukuvikela indalo kaNkulunkulu

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **Ukuvikela indalo kaNkulunkulu**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	<p>Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS</p>
2.	<p>Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo:</p> <ul style="list-style-type: none"> • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). <p>Qaphela:</p> <p>2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile.</p> <p>2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho!</p> <p><i>Isikole sangeSonto ngokuvamile asidluli imizuzu engama-45.</i></p> <p>2.3: Lesisifundo silungele ibanga lesiQinisiso 1.</p> <p>2.4: Uyacelwa uthinte uThisha wakho wesiQinisiso uma udinga noma yiluphi usizo noma uma udinga ezinye izinsizakufunda kulezi ezingenhla.</p>
3.	<p>Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.</p>



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela (I Also Want To....)
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo sesiQinisiso -1 nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwakho ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesikole abazimisele ukukusiza.



Isifundo

Isihloko	Ukuvikela indalo kaNkulunkulu
Umbhalo weBhayibheli	UGenesise 1: 26-31, uGenesise 8: 22, AmaHubo 8: 6 no AmaHubo 104: 10-15
Inhloso yesifundo	Ukuqonda ukuthi umhlaba uyindalo kaNkulunkulu nokuthi kungumsebenzi wazo zonke izidalwa zabantu ukuwuvikela.

Isifundo esifingqiwe:

Umhlaba uyindalo kaNkulunkulu.

Kungumsebenzi wethu ukuwunakekela futhi siwuvikele.

Ingabe yini esingayenza ukuvikela indalo kaNkulunkulu na?

Okwamanje kufanele ukuba usujwayelene nesiVumo soKholo lwethu. IsiVumo soKholo sokuQala sithi: ***Ngiyakholwa kuNkulunkulu, uYise, uSomandla, uMdali wezulu nomhlaba.***

KulesisiVumo, amaKristu avuma ukuthi umhlaba uyingxenywe yendalo ngakho-ke ungumsebenzi kaNkulunkulu. Lokhu kusho ukuthi abantu kufanele indalo bayiphathe ngenhlonipho nangokubabaza, njengakho konke okudalwe nguNkulunkulu:

- UNkulunkulu wanika abantu isikhundla esiqavile phakathi kwazo zonke izidalwa.
- Sidalwe ngomfanekiso waKhe ngakho-ke sinesibopho sendalo kaNkulunkulu.
- Ngeshwa, abantu abaningi balimaza imvelo futhi basebenzise kabi imithombo yomhlaba.
- Lezi zenzo zonakalisa ukusimama kwemvelo futhi sibeka ikusasa lethu engcupheni futhi sibeke engcupheni ubukhona bezizukulwane ezizayo.
- Abantu banikezwe umsebenzi wokunakekela nokuvikela umhlaba - okuwukuthi, ukuwubumba, ngakolunye uhlangothi nokuwuvikela.

UGenesise 1: 26-27: ***“Masenze abantu ngomfanekiso wethu, basifuze, babuse phezu kwezinhlanzi zolwandle, nezinyoni zezulu, nezinkomo, nomhlaba wonke, nezilwanyana zonke ezinwabuzelayo emhlabeni. UNkulunkulu wamdala umuntu ngomfanekiso waKhe; wamdala ngomfanekiso kaNkulunkulu; wabadala owesilisa nowesifazane”***

● Kodwa-ke, indalo kaNkulunkulu ibaluleke kakhulu kangangokuba akasiniki umsebenzi wokuyinakekela nokuyivikela kuphela, futhi uyayithonya njalo njengoba kusho umHubo: AmaHubo 104: 10–15: ***“Uthumela imithombo ezigodini; yona igijima phakathi kwezintaba. Iyaphuzisa izilwane zonke zasendle, izimbongolo zasendle zicime ukoma kwazo. Izinyoni zezulu zakhile ngakuyo, zizwakalisa izwi lazo phakathi kwamagatsha. Uphuzisa izintaba kuvela emakamelweni akhe; umhlaba uyaneliswa yisithelo semisebenzi yaKho. Uhlumisela izinkomo utshani nemifino yokusiza umuntu, ukuze aveze ukudla emhlabeni, newayini elijabulisa inhliziyo yomuntu”***.

● Kuningi esingakwenza ukuvikela indalo kaNkulunkulu:

- Singakwazi ukuxhasa izinhlangano ezivikela imvelo nezilwane.
- Asidali inkucunkucu ngokungadingekile futhi asishiyi izibi zilele uvanzi emvelweni.
- Asikulahli ukudla okusenokudliwa.
- Singakwazi ukusekela imizamo yokuvikela imvelo.
- Ziningi ezinye izindlela... ingabe ungacabanga yini ngezimbalwa na?



Ingabe sisho ukuthini lesisifundo kithina namhlanje na?

- UNkulunkulu wadala umhlaba.
- Kungumsebenzi wethu ukunakekela nokuvikela indalo kaNkulunkulu.
- Abantu kufanele bavikele uMhlaba ngobukhona bawo nangokubonelela izizukulwane ezizayo.

Imibuzo:

1. Ingabe kusho ukuthini ukubumba umhlaba na?

Kusho: ukudala amasimu nokutshala okusanhlamvu nemifino; ukuzala nokusebenzisa izilwane; ukwakha izindlu ukumba imithombo

2. Ingabe kusho ukuthini ukuvikela umhlaba na?

- ü Asibheki izilwane njengempahla, kodwa siziphatha njengezidalwa zikaNkulunkulu.
- ü Asizihlukumezi, kepha sizinikeza indawo eyanele nokunakekelwa.
- ü Asingcolisi imvelo ngamabomu kodwa siyayivikela emathonyeni ayingozi.
- ü Senza konke okusemandleni ukuvikela indawo yokuhlala yabantu, izilwane nezitshalo.
- ü Senza konke okusemandleni ukubuyisela imvelo nomaphi lapho icekelwe khona phansi.
- ü Senza konke okusemandleni ethu ukuqinisekisa ukuthi izizukulwane ezizayo zinendawo engakacekelwa phansi yokuphila kwazo.

3. Bheka uhlu olungezansi bese ubona ukuthi kungakanani okwenzayo ukunakekela nokuvikela imvelo:

- Ukuphindukusetshenziswa-kabusha kokuthile
- Ungalahli udoti
- Yonga amanzi
- Sebenzisa ugesi kancane

Ingabe ungacabanga yini ngokuningi ongangeza ngakho ohlwini na?



UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen



Notes

Notes